
Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 32a. stav (2) tačka 2) Uredbe o jedinstvenoj metodologiji za procjenu šteta od prirodnih i drugih nesreća ("Službene novine Federacije BiH", broj 75/04, 38/06, 52/09, 56/09 i 36/14), Vlada Kantona Sarajevo, na 95. sjednici održanoj 22.09.2022. godine, donijela je

ODLUKU

**O IZMJENAMA I DOPUNAMA ODLUKE O POSTUPKU I
KRITERIJIMA ZA DODJELU JEDNOKRATNE
NOVČANE POMOĆI OPĆINAMA NA PODRUČJU
KANTONA SARAJEVO I DRUGIM KANTONIMA ZA
OTKLANJANJE ŠTETA NASTALIH OD PRIRODNIH I
DRUGIH NESREĆA**

Član 1.

(Izmjena člana 2.)

U Odluci o postupku i kriterijima za dodjelu jednokratne novčane pomoći na području Kantona Sarajevo i drugim kantonima za otklanjanje šteta nastalih od prirodnih i drugih nesreća ("Službene novine Kantona Sarajevo", broj 10/11) u članu 2. tačka b) se mijenja i glasi:

- "b) iz sredstava koja pripadaju Kantonu na osnovu člana 180. Zakona o zaštiti i spašavanju, na način kako je predviđeno Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine Federacije BiH", br. 4/12, 80/13 i 20/20)."

Član 2.

(Dopune člana 5.)

- (1) U članu 5. u stavu (2) iza broja "60/06" veznik "i" zamjenjuje se "zarezom", a iza broja "8/10" dodaju se veznik "i" i broj "21/14".
- (2) U stavu (3) iza broja "52/09" veznik "i" zamjenjuje se "zarezom", a iza broja "56/09" dodaju se veznik "i" i broj "36/14".

Član 3.

(Izmjena i dopune člana 18.)

- (1) U članu 18. u stav (2) riječ "mjeseca" zamjenjuje se riječima: "a najkasnije šest mjeseci".
- (2) Iza stava 2. dodaju se novi st. 3. i 4. koji glase:
"Kantoni i općine kojima je dodijeljena jednokratna pomoć, a koji ne dostave Vladi Kantona, odnosno Kantonalnom štabu izvještaj o utrošku dodijeljene pomoći u roku, dužni su dodijeljena neutrošena, kao i nenamjenski utrošena sredstva, vratiti iz nekih drugih svojih izvora.

Odluku o povratu sredstava donosi Vlada Kantona za sredstva iz člana 2. tačka a) ove odluke, a Kantonalni štab za sredstva iz člana 2. tačka b) ove odluke, na prijedlog Kantonalne komisije."

- (3) Dosadašnji stav (3) postaje stav (5).

Član 4.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-36030-28/22

22. septembra 2022. godine

Sarajevo

Premijer

Edin Forto, s. r.